

TILSKIPUN FRAMKVÆMDASTJÓRNARINNAR 96/86/EB

frá 13. desember 1996

um aðlögun að tækniframförum á tilskipun ráðsins 94/55/EB um samræmingu á lögum aðildarríkjanna varðandi flutning á hættulegum farmi á vegum(*)

(Texti sem varðar EES)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 94/55/EB frá 21. nóvember 1994 um samræmingu á lögum aðildarríkjanna varðandi flutning á hættulegum farmi á vegum ⁽¹⁾, einkum 8. gr.,

og að teknu tilliti til eftirfarandi:

Viðaukar A og B við Evrópusamninginn um millilandaflutninga á hættulegum farmi á vegum, sem þekktur er undir skammstöfuninni ADR, með áorðnum breytingum, skulu fylgja tilskipun 94/55/EB sem viðaukar A og B og gilda ekki aðeins um flutninga yfir landamæri heldur einnig um flutninga innan hvers aðildarríkis.

Í viðaukunum við tilskipun 94/55/EB er að finna ADR-samninginn í útgáfunni sem öðlaðist gildi 1. janúar 1995 og hefur síðan þá verið birtur á öllum tungumálum ⁽²⁾.

ADR-samningurinn er uppfærður á tveggja ára fresti og því öðlast breytt útgáfa hans gildi frá 1. janúar 1997.

Samkvæmt 8. gr. ber að samþykka allar nauðsynlegar breytingar til að laga tilskipunina að framförum í tækni og vísindum á þeim sviðum sem hún tekur til, í því skyni að samræma hana nýju reglum í samræmi við málsmeðferðina í 9. gr.

Nauðsynlegt er að aðlaga atvinnugreinina að nýja ADR-samningnum og því þarf að breyta viðaukunum við reglugerð 94/55/EB.

Ráðstafanirnar sem kveðið er á um í þessari tilskipun eru í samræmi við álit nefndarinnar sem kveðið er á um í 9. gr. tilskipunar 94/55/EB.

SAMÞYKKT TILSKIPUN ÞESSA:**1. gr.**

Eftirfarandi breytingar eru hér með gerðar á tilskipun 94/55/EB:

1. Viðauki A:

„Í viðauka A eru ákvæði sem varða spássíunr. 2 000 til 3 999 í viðauka A við Evrópusamninginn um millilandaflutninga á hættulegum farmi á vegum (ADR-samninginn), í útgáfunni sem öðlaðist gildi 1. janúar 1997, þar sem orðið „aðildarríki“ komi í stað orðsins „samningsaðili“.

Ath.: Útgáfur á öllum opinberum tungumálum bandalagsins á texta breytinganna frá 1997 við samsteypnan texta viðauka A við ADR-samninginn frá 1995 verða birtar jafnskjótt og textinn liggur fyrir á öllum tungumálunum.“

2. Viðauki B:

„Í viðauka B eru ákvæði sem varða spássíunr. 10 000 til 270 000 í viðauka B við Evrópusamninginn um millilandaflutninga á hættulegum farmi á vegum (ADR-samninginn), í útgáfunni sem öðlaðist gildi 1. janúar 1997, þar sem orðið „aðildarríki“ komi í stað orðsins „samningsaðili“.

Ath.: Útgáfur á öllum opinberum tungumálum bandalagsins á texta breytinganna frá 1997 við samsteypnan texta viðauka B við ADR-samninginn frá 1995 verða birtar jafnskjótt og textinn liggur fyrir á öllum tungumálunum.“

2. gr.

1. Aðildarríkin skulu samþykka nauðsynleg lög og stjórnáskilgrymmi til að fara að tilskipun þessari fyrir 1. Janúar 1997. Þau skulu tilkynna það framkvæmdastjórninni þegar í stað.

(*) Þessi EB-gerð, sem birtist í Stjttíð. EB nr. L 335, 24. 12. 1996, bls. 43, var nefnd í ákvörðun sameiginlegu EES-nefndarinnar nr. 7/97 frá 14. mars 1997 um breytingu á XIII. viðauka (Flutningastarfsemi) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

⁽¹⁾ Stjttíð. EB nr. L 319, 12. 12. 1994, bls. 7.⁽²⁾ Stjttíð. EB nr. L 275, 28. 10. 1996, bls. 1.

Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja slík tilvísun þegar þær verða birtar opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni helstu ákvæði úr landslögum sem þau samþykkja um málefni sem tilskipun þessi nær til.

3. gr.

Tilskipun þessi öðlast gildi daginn eftir að hún birtist í *Stjórnartíðindum Evrópubandalaganna*.

4. gr.

Tilskipun þessari er beint til aðildarríkjanna.

Gjört í Brussel 13. desember 1996.

Fyrir hönd framkvæmdastjórnarinnar,

Neil KINNOCK

framkvæmdastjóri.